

Na osnovu člana 16. stav 2. Zakona o Vladi Zeničko-dobojskog kantona- Prečišćeni tekst („Službene novine Zeničko-dobojskog kantona“, broj 7/10) i člana 17. stav 2. Zakona o javnim nabavkama („Službeni glasnik BiH“, broj: 39/14), a u skladu sa Budžetom Zeničko-dobojskog kantona za 2017. godinu („Službene novine Zeničko-dobojskog kantona“, broj 15/16) na prijedlog Službe za zajedničke poslove, Vlada Zeničko-dobojskog kantona, na 90. sjednici, održanoj 09.03.2017. godine, d o n o s i

ODLUKU

o usvajanju Plana javnih nabavki Zeničko-dobojskog kantona u 2017.godini

Član 1.

(Plan javne nabavke)

(1) Zeničko-dobojski kanton s ciljem da se osigura sve što je potrebno za djelokrug rada, donosi Plan javnih nabavki Zeničko-dobojskog kantona u 2017. godini, kojim se utvrđuju potrebe za nabavku roba, usluga i radova u budžetskoj 2017. godini.

(2) Plan javnih nabavki sadrži podatke o predmetu nabavke, jedinstvenom rječniku javne nabavke, procijenjenoj vrijednosti nabavke, planiranim sredstvima u budžetu (iznos i konto), vrsti postupka javne nabavke, okvirnim terminima za pokretanje postupka nabavke, trajanju ugovora ili okvirnog sporazuma, izvoru finansiranja i Kantonalnim organima koju pokreću postupak i prate realizaciju ugovora.

Član 2.

(Izmjena Plana javnih nabavki)

Ugovorni organ, zadržava pravo u slučaju opravdanog zahtjeva na osnovu odredaba Zakona o javnim nabavkama promijeniti vrstu postupka, kao i procijenjene nabavke vrijednosti na osnovu obrazloženja zasnovanog na ekonomskim ili drugim pokazateljima, kao što su značajne promjene u cijeni u odnosu na cijenu u vrijeme procjene vrijednosti, povećanje ili smanjenje količina u skladu sa promjenjenim okolnostima i slično.

Član 3.

(Odluka o pokretanju postupka javnih nabavki)

(1) Za sve nabavke predviđene Planom javne nabavke obavezno je donošenje odluke o pokretanju postupka nabavke u formi i sadržaju u skladu sa članom 18. Zakona o javnim nabavkama.

(2) Sredstva predviđena za neplanirane nabavke mogu se koristiti na temelju pojedinačne odluke koja se zasniva na obrazloženom zahtjevu o nužnosti i utemeljenosti nabavke koja se nije mogla predvidjeti u vrijeme donošenja Plana javnih nabavki, u slučaju ovakve situacije ugovorni organ zadržava pravo da naknadno izvrši dopunu Plana javnih nabavki.

Član 4.

(Objavljivanje Plana javnih nabavki)

Plan javne nabavke objavit će se na web stranici Zeničko-dobojskog kantona, www.zdk.ba, prije pokretanja bilo kojeg postupka.

Član 5.

(Sadržaj odluke)

Plan javnih nabavki za 2017.godinu čini sastavni dio ove Odluke.

Član 6.
(Stupanje na snagu)

Ova Odluka stupa na snagu danom donošenja i objavit će se u “Službenim novinama Zeničko-dobojskog kantona”.

Broj: 02-14-3046 /17.

Datum, 09.03.2017. godine

Zenica

PREMIJER

Miralem Galijašević

DOSTAVLJENO:

1x Služba za zajedničke poslove,

1x Svim ministarstvima i drugim tijelima kantonalne uprave,

1x Web stranica Zeničko-dobojskog kantona,

1x „Službene novine Zeničko-dobojskog kantona“,

1x a/a.